

四庫全書

史部

欽定四庫全書

史部

欽定八旗通志卷二百十五

欽定四庫全書

欽定八旗通志卷二百十五

人物志九十五

忠義傳七

滿洲八旗七
康熙十五年至十六年共一百五十一人

愛圖

愛圖滿洲鑲黃旗人姓勒第氏世居黑龍江康熙
十三年以前鋒校隨定遠平寇大將軍安親王岳
樂征逆藩吳三桂有功十五年復從征至長沙府

擊賊歿於陣

賞卹如例

納星額

納星額滿洲鑲黃旗人署護軍校康熙十三年隨
順承郡王勒爾錦征逆藩吳三桂十五年六月至
湖廣永興擊賊陣亡

賞卹如例

圖福納

圖福納滿洲鑲黃旗人署護軍校康熙十五年從
征南將軍穆占擊吳逆偽將馬寶胡國柱等於永
興戰歿

賞卹如例

幽德赫

幽德赫滿洲鑲黃旗人姓葛濟勒氏世居綏分以
佐領駐防荊州康熙十五年總督李之芳平南將
軍賴塔會同奉命大將軍和碩康親王傑書進剿

衢州幽德赫從事行間敗賊馬九玉於大溪灘等處進取江山縣力戰歿於陣

恩賜雲騎尉世職

承襲詳見世職表

瓦爾達

瓦爾達滿洲鑲黃旗人姓瓜勒佳氏世居哈達地方任前鋒叅領順治二年隨大兵出征浙閩至枯竹擊敗偽都司何楚儒賊衆千餘康熙十五年隨副都統瑪哈達攻建陽復擊敗偽王總兵賊衆三

千餘至城門力戰死

恩賜雲騎尉世職

承襲詳見
世職表

英格

英格滿洲鑲黃旗人姓鈕祜祿氏世居長白山任
三等侍衛康熙十三年出鎮宣府十五年從征陝
西至洪城黃河岸擊賊歿於陣

賞卹如例

赫西根

赫西根滿洲鑲黃旗人姓覺羅氏世居

盛京康熙十五年以驍騎校從寧海將軍富喇塔征耿
逆於浙江至太平山與賊力戰歿於陣

恩賜雲騎尉世職

承襲詳見
世職表

阿岱

阿岱滿洲鑲黃旗人姓布爾哈齊氏世居烏魯特
地方順治十五年以雲騎尉從征雲南貴州至魯
噶偽晉王李定國率衆拒敵阿岱隨大兵進擊連

敗之康熙十五年隨安遠靖寇大將軍貝勒尚善
征逆藩吳三桂至湖廣岳州賊將吳應麒柯鐸高
起龍廖進忠等率兵四萬餘拒戰奮擊陣亡

恩賜雲騎尉世職

承襲詳見
世職表

邁圖

邁圖滿洲鑲黃旗人姓富察氏世居訥殷初任七
品官康熙十三年王師征逆藩吳三桂邁圖從征
至湖廣興國州陳朱二姓賊首率衆六千餘於江

西鄙陽湖之岔口村十五里拒戰邁圖率本叅領
兵隨大軍敗之又敗賊渠陳留音朱重仁等於鄱
陽湖之艾影山又擊賊三百餘艘於鄱陽湖之灞
口敗其衆十五年從定遠平寇大將軍安親王岳
樂擊吳逆偽將軍夏國相李良棟等於袁州萍鄉
縣東之來龍山中創陣亡

恩賜雲騎尉世職

承襲詳見
世職表

倭赫

倭赫滿洲鑲黃旗人康熙十五年以雲騎尉隨寧
海將軍富喇塔平南將軍賴塔等征福建至海澄
海寇偽將軍劉國軒方煽亂倭赫率兵力戰陣亡

恩賜騎都尉世職

承襲詳見世職表

富喀

富喀滿洲鑲黃旗人任前鋒校康熙十五年隨康
親王傑書征福建海寇鄭成功與賊將劉國軒力

戰陣亡

賞卹如例

額宜圖

額宜圖滿洲鑲黃旗人姓勒武氏世居黑龍江任
前鋒校康熙十四年從征逆藩耿精忠於江西偽
伯樂燦踞宜黃挑濠拒戰同侍郎舒恕擊敗之十
五年隨安親王岳樂征逆藩吳三桂至湖廣長沙
力戰歿於陣

恩賜雲騎尉世職

承襲詳見
世職表

依蘇

依蘇滿洲鑲黃旗人姓伊爾根覺羅氏世居松阿
里烏喇地方康熙十六年吳逆偽將軍馬雄董仲
民率賊兵犯廣東依蘇以七品官隨大兵擊賊於
電白縣陣亡

恩賜雲騎尉世職

承襲詳見
世職表

巴特瑪

巴特瑪滿洲鑲黃旗人姓龔吉爾氏世居厄魯特

地方初任佐領康熙十三年逆藩耿精忠之偽將
羅都督率賊萬餘來犯江南績溪縣巴特瑪隨江
寧將軍額楚擊却之又敗賊於洞庭橋進至馳臺
嶺追擊賊兵於休寧縣之新嶺尋從大兵剿江西
饒州府擊賊兵於樂平縣段家村雲起峯等處至
鄱陽湖賊將率五千餘人乘船三百餘艘來犯我
軍復擊敗之又敗偽都督兵於石頭街河岸偽總
督姜德洪率賊五萬餘於弋陽縣修立木城以拒

我師復連結偽總兵柯勝等五千餘賊倚為聲勢
巴特瑪挺身躍戰力破其壘克復弋陽至貴溪又
敗偽總兵郭先張文孝等賊於艾山西行至吉安
復敗賊三千餘人十六年踰大庾嶺進攻廣東韶
州府擊賊帥馬寶胡國柱於蓮花山中傷陣亡

恩賜雲騎尉世職

承襲詳見
世職表

陰達渾

陰達渾滿洲鑲黃旗人姓喜塔臘氏世居尼雅滿

山地方由前鋒校從征雲南有功授雲騎尉康熙
十六年隨征南將軍穆占征湖廣與偽將軍馬寶
力戰於巖山嶺陣亡

恩賜騎都尉世職

承襲詳見
世職表

瑪海

瑪海滿洲鑲黃旗人姓章佳氏世居札魯特地方
任驍騎校部委叅領康熙十六年隨征南將軍穆
占征逆藩吳三桂至湖廣永興之巖山嶺擊偽將

軍馬寶胡國柱等力戰陣亡

賞卹如例

四格色

四格色滿洲鑲黃旗人姓兆佳氏世居穆呼任驍
騎校著副叅領從江寧將軍額楚征逆藩吳三桂
康熙十六年於江西吉安擊賊陣亡

恩賜雲騎尉世職

承襲詳見
世職表

覺羅郭和里

覺羅郭和里滿洲鑲黃旗人康熙十五年以委署
參領隨定遠平寇大將軍安親王岳樂征逆藩吳
三桂十六年二月至長沙擊其偽總兵於瀏陽陣
亡

賞卹如例

騰克

騰克滿洲鑲黃旗人康熙十三年以驍騎校從征
逆藩吳三桂十六年隨江寧將軍額楚於廣東韶

州蓮花山與偽將軍馬寶力戰陣亡

恩賜雲騎尉世職

承襲詳見世職表

花色

花色滿洲鑲黃旗人姓薩馬拉氏世居寧古塔地方康熙十五年以驍騎校隨撫遠大將軍圖海征叛逆王輔臣十六年進征逆藩吳三桂至四川保寧蟠龍山擊賊陣亡

恩賜雲騎尉世職

承襲詳見世職表

託

託滿洲鑲黃旗人姓瓜勒佳氏世居烏喇委署護軍校康熙十三年隨順承郡王勒爾錦征湖廣十六年至荊州太平莊遇賊力戰陣亡

賞卹如例

西扎布

西扎布滿洲鑲黃旗人任驍騎校康熙十六年隨征南將軍穆占征湖廣至永興與賊將馬寶胡國

柱等力戰陣亡

賞卹如例

薩音達理

薩音達理滿洲鑲黃旗人姓費莫氏世居薩齊庫
任八品官康熙十六年隨江寧將軍額楚征逆藩
吳三桂至廣東韶州府力戰歿於陣

恩賜雲騎尉世職

承襲詳見
世職表

諾莫渾

諾莫渾滿洲鑲黃旗人姓伊圖馬氏世居葉赫科爾沁地方順治十七年從征山東土賊同四旗兵進攻以第二人登寨克之康熙十六年征逆藩吳三桂隨護軍統領哈克山於永興縣擊賊哈克山歿於陣諾莫渾奮勇衝入奪哈克山屍既出復入奪我纛遂歿於陣

恩賜雲騎尉世職

承襲詳見世職表

格克禮

格克禮滿洲鑲黃旗人姓兀札喇氏世居薩哈爾
察地方康熙十六年以七品官從侍郎覺羅舒恕
征逆藩吳三桂至廣東電白縣偽將軍馬雄董仲
民等率賊來拒格克禮奮勇進戰歿於陣

恩賜雲騎尉世職

承襲詳見
世職表

索爾敦

索爾敦滿洲鑲黃旗人姓伊拉里氏世居哈爾敏
任護軍校康熙十七年五月十六日隨征逆藩吳

三桂至湖廣永興與偽將馬寶胡國柱等戰於沿
山嶺陣亡

恩賜雲騎尉世職

水滸詳見
世職表

和託

和託滿洲鑲黃旗人姓富察氏世居訥殷江地方
襲職騎都尉兼一雲騎尉康熙十七年從征廣西
至藤縣偽將軍吳世琮馬承蔭等率賊拒敵和託
奮勇力戰歿於陣

恩賜三等輕車都尉世職

承襲詳見世職表

花山

花山滿洲鑲黃旗人任驍騎校康熙十七年隨將軍賴塔征四川與賊力戰陣亡

賞卹如例

穆成額

穆成額滿洲鑲黃旗人署護軍校康熙十七年隨將軍穆占征逆藩吳三桂至湖廣長沙府擊賊歿

於陣

賞卹如例

勒特熙

勒特熙滿洲鑲黃旗人姓伊爾根覺羅氏世居嘉
水湖康熙十四年以二等侍衛兼副護軍叅領隨
撫遠大將軍圖海征陝西逆提督王輔臣定平涼
固原等處又自陝西隨征南將軍穆占禦逆藩吳
三桂於湖廣十六年三月攻長沙偽將軍吳國貴

等率衆數萬來拒勒特熙奮勇進戰中傷歿十七年

恩賜雲騎尉世職

承襲詳見世職表

禪布

禪布滿洲正黃旗人世居庫爾喀署護軍校康熙十五年隨安親王岳樂征逆藩吳三桂與偽將軍吳國貴戰於長沙陣亡

賞卹如例

強謙

強謙滿洲正黃旗人姓鄂卓氏世居撒哈連烏喇
康熙十三年以親軍校駐防湖廣有賊二千來犯
引兵擊却之十五年從安遠靖寇大將軍貝勒尚
善征逆藩吳三桂至岳州偽帥吳應麒高起龍馬
寶等率衆七萬來犯強謙奮勇突入賊陣身被重
創歿於陣

恩賜雲騎尉世職

承襲詳見
世職表

達林

達林滿洲正黃旗人姓覺羅氏世居

盛京以七品官委署叅領隨揚威大將軍簡親王喇
布征逆藩吳三桂康熙十五年十二月進攻江西
抵吉安擊賊於螺子山歿於陣

恩賜雲騎尉世職

承襲詳見
世職表

善泰

善泰滿洲正黃旗人任驍騎校委署叅領駐防杭

州康熙十五年總督李之芳平南將軍賴塔調隨
杭州副都統倭申巴圖魯會剿衢州賊馬九玉於
大溪灘敗之進取江山縣力戰歿於陣

賞卹如例

懷色

懷色滿洲正黃旗人姓賢達禪氏世居松花江地
方康熙十四年四月從征逆藩耿精忠至浙江遇
賊將周烈柔明等二萬衆於衢州焦園河岸懷色

率衆衝鋒而入賊敗走偽將軍連雲徐上朝等糾
衆據處州懷色隨副都統馬哈達擊之賊於大溪
灘立木城掘壕自固懷色隨大兵擊破其城十五
年十一月隨寧海將軍喇哈達敗海賊徐耀於小
門山十六年二月隨平南將軍賴塔敗偽總督趙
得勝等於太平山連破二十六營又與賊戰於柏
木山身先陷陣被傷歿

恩賜雲騎尉世職

承襲詳見
世職表

巴錫

巴錫滿洲正黃旗人姓富察氏世居納音江父阿爾納工部員外郎順治十三年以

宮殿工成議敘授雲騎尉尋卒巴錫襲職康熙十五年從定遠平寇大將軍安親王岳樂征逆藩吳三桂至江西十六年正月隨江寧將軍額楚與賊將韓大任陳耀元等戰於吉安之螺子山被傷死

恩賜雲騎尉世職

承襲詳見世職表

雅穆布

雅穆布滿洲正黃旗人任親軍校康熙十六年隨安親王岳樂征湖廣至長沙偽將軍吳國貴等率賊數萬立鹿角炮鎗挨牌拒戰雅穆布力擊之中傷逾時創發死

恩賜雲騎尉世職

承襲詳見世職表

瑚什布

瑚什布滿洲正黃旗人姓趙氏世居牙郎色地方

以副前鋒藍翎侍衛隨總督伊禮布征逆藩吳三桂至湖廣康熙十六年六月與賊將馬寶胡國柱等戰於巖山嶺陣亡

恩賜雲騎尉世職

承襲詳見世職表

常明

常明滿洲正黃旗人由護軍隨征南將軍穆占征逆藩吳三桂康熙十六年三月至湖廣長沙與偽將軍吳國貴戰歿

賞卹如例

積善

積善滿洲正黃旗人祖和圖陣亡自有傳積善襲
職為佐領委署叅領康熙十六年隨副都統穆舒
征逆藩吳三桂於四川至保寧九敗賊兵以力戰
陣亡

恩賜騎都尉世職

承襲詳見
世職表

孔額德

孔額德滿洲正白旗人姓伊爾庫勒氏世居諾洛
科洛尼地方順治十五年以委署協領從征雲貴
敗偽侯李成蛟於涼水井復連敗偽晉王李定國
於磨盤山十八年從征東將軍季什哈征殷東瑚
及山賊孫小五王節祥蕭五等並有功康熙十四
年從征浙江總督李之芳平南將軍賴塔調援衢
州偽將軍馬九玉等率兵五萬拒敵孔額德力戰
陣亡

恩賜騎都尉世職

承襲詳見世職表

三泰

三泰滿洲正白旗人姓扎拉里氏世居瓦爾喀任
驍騎校康熙十四年隨和碩簡親王喇布擊逆藩
偽帥韓大任陳耀元等於江西吉安力戰陣亡

恩賜雲騎尉世職

承襲詳見世職表

拉薩禮

拉薩禮滿洲正白旗人姓佟佳氏世居雅爾虎任

整儀尉順治十四年從定遠將軍世子濟度征福
建海寇鄭成功於廈門力戰陣亡

恩賜雲騎尉世職

承襲詳見
世職表

齊藍布

齊藍布滿洲正白旗人姓修和里氏世居瓜勒察
地方順治五年以護軍叅領從征偽桂王至貴州
雙河口偽晉王李定國等率衆萬餘來拒我師齊
藍布隨信郡王多尼進擊連敗之康熙十四年征

耿逆至江西追擊偽都督易天錫於建昌府城歿
於陣三十五年

恩賜雲騎尉世職

承襲詳見
世職表

孔伊納

孔伊納滿洲正白旗人姓佟佳氏世居馬察地方
康熙十四年以護軍校隨前鋒統領穆占征從逆
提督王輔臣於秦州力戰陣亡

恩賜雲騎尉世職

承襲詳見
世職表

賽音達理

賽音達理滿洲正白旗人姓佟佳氏世居扎昆木地方康熙十四年以護軍校隨前鋒統領穆占擊賊於秦州力戰陣亡

恩賜雲騎尉世職

承襲詳見世職表

瑚什布

瑚什布滿洲正白旗人署護軍校康熙十四年從將軍圖海征從逆提督王輔臣至平涼擊其子王

繼正中礮陣亡

賞卹如例

劉士英

劉士英包衣正白旗人世居直隸省河間府任邱縣之小榮村

國初改隸旗籍任陝西定邊營守備康熙十四年從逆提督王輔臣遣偽將朱龍破定邊逼降不屈偕其妻妾李氏郭氏俱死之

恩賜騎都尉世職

承襲詳見世職表

卷二百十五

恩圖

恩圖滿洲正白旗人姓兀扎喇氏世居薩哈達地方任七品官委署叅領康熙十五年從定遠平寇大將軍安親王岳樂征逆藩吳三桂至江西二月擊偽將軍夏國相等於萍鄉縣東之來龍山力戰中礮歿

賞卹如例

納開

納開滿洲正白旗人姓伊爾根覺羅氏世居雅爾
虎康熙十五年以委署叅領隨定遠平寇大將軍
安親王岳樂征剿吳三桂至江西袁州府進擊偽
將軍夏國相於萍鄉縣圍攻來龍山陣亡

恩賜雲騎尉世職

承襲詳見
世職表

外山

外山滿洲正白旗人姓瓜勒佳氏世居和索康熙

十五年以六品官從征叛鎮王輔臣至平涼城北
攻護山墩敗輔臣子王繼正是年隨征南將軍穆
占協征逆藩吳三桂至湖廣永興縣巖山嶺遇偽
將馬寶胡國柱等率衆拒敵進擊之遂歿於陣

恩賜雲騎尉世職

承襲詳見
世職表

墨赫納

墨赫納滿洲正白旗人姓葛濟勒氏世居雅蘭地
方任一等侍衛兼管叅領事康熙十三年隨定南

將軍希爾根征逆藩吳三桂十五年九月進攻湖廣醴陵縣遇賊將馬寶率賊三萬餘來犯墨赫納力戰陣亡

恩賜雲騎尉世職

承襲詳見世職表

錫寶

錫寶滿洲正白旗人世居董鄂以地為氏任七品官康熙十三年從征逆藩吳三桂至湖廣從護軍統領額司泰敗賊將陶繼志於宜都十五年進至

長沙遇賊力戰陣亡

恩賜雲騎尉世職

承襲詳見世職表

內壘

內壘滿洲正白旗人姓查喇里氏世居烏喇地方
初任護軍校康熙十五年委署章京隨征南將軍
穆占征逆藩吳三桂至湖廣長沙府擊賊陣亡

恩賜雲騎尉世職

承襲詳見世職表

祿譜查

祿譜查滿洲正白旗人康熙十五年以署章京隨定西大將軍董額征叛逆王輔臣至陝西攻秦州城賊援兵至內外夾攻力戰陣亡

恩賜雲騎尉世職

承襲詳見世職表

福依寶

福依寶滿洲正白旗人姓庫雅拉氏世居興阿村地方初任佐領順治十四年從定遠大將軍世子濟度征福建海賊鄭成功敗其戰艦六百餘於厦

門之澄浦嶼有功康熙十五年隨征陝西叛鎮王
輔臣至秦州是日賊率城中兵出拒又外援夾攻
福依寶力戰以歿十六年

恩賜雲騎尉世職

承襲詳見
世職表

後以子德勒慎官

恩贈光祿大夫

愛三

愛三滿洲正白旗人姓鈕祜祿氏世居札庫木地
方康熙十四年以驍騎校隨大兵至陝西涼州得

頭等功十六年署副參領從征南將軍穆占征逆

藩吳三桂至湖廣與偽將軍吳國貴戰於長沙陣

亡

恩賜雲騎尉世職

承襲詳見
世職表

賽音布

賽音布滿洲正白旗人姓索綽絡氏世居葉赫地方康熙十六年以八品官從征南將軍穆占征逆藩吳三桂至湖廣戰於永興之巖山嶺陣亡

恩賜雲騎尉世職

承襲詳見
世職表

查爾敏

查爾敏滿洲正白旗人姓那木都魯氏世居綏分
地方初以雲騎尉駐防江寧任佐領康熙十六年
隨江寧將軍額楚征逆藩吳三桂至廣東與偽將
軍馬寶戰於陳家山陣亡

恩賜騎都尉世職

承襲詳見
世職表

森圖

森圖滿洲正白旗人姓納喇氏世居哈達康熙十
六年以七品官從侍郎覺羅舒恕征逆藩吳三桂
至廣東電白縣遇偽將軍馬雄董仲民王宏勳等
力戰歿於陣

恩賜雲騎尉世職

承襲詳見
世職表

阿爾喀

阿爾喀滿洲正白旗人姓完顏氏世居諾圖康熙
十六年以前鋒校隨征南將軍穆占征逆藩吳三

桂至湖廣永興縣之巖山嶺擊賊陣亡

恩賜雲騎尉世職

承襲詳見世職表

務巴海

務巴海滿洲正白旗人姓瓜勒佳氏世居蘇完地方康熙十三年以護軍校從征南將軍穆占征逆藩吳三桂十六年三月至湖廣與偽將軍吳國貴戰於長沙時城內賊兵齎出務巴海力戰歿

恩賜雲騎尉世職

承襲詳見世職表

雅布色

雅布色滿洲正白旗人姓馬佳氏世居綏分地方
康熙十三年以護軍校隨都統宜理布征逆藩吳
三桂十六年隨征南將軍穆占於湖廣永興縣之
巖山嶺遇賊帥馬寶胡國柱等力戰陣亡

恩賜雲騎尉世職

承襲詳見
世職表

袞泰

袞泰滿洲正白旗人姓鈕祜祿氏世居查昆木地

方康熙十四年以刑部郎中隨將軍公泰征逆藩
吳三桂十六年六月至湖廣與賊帥馬寶等力戰
於永興之巖山嶺陣亡

恩賜雲騎尉世職

承襲詳見
世職表

尼雅哈

尼雅哈滿洲正白旗人姓赫舍里氏世居納穆唐
阿地方任護軍校康熙十六年隨征南將軍穆占
征逆藩吳三桂至湖廣永興巖山嶺與賊將馬寶

胡國柱等力戰歿於陣

恩賜雲騎尉世職

承襲詳見世職表

南岱

南岱滿洲正白旗人姓於庫禮氏世居空科巴賽
康熙十六年以前鋒校隨征南將軍穆占征逆藩
吳三桂至長沙府與偽將軍吳國貴力戰陣亡

賞卹如例

色赫

色赫滿洲正白旗人姓那喇氏世居葉赫地方委署叅領康熙十六年從征南將軍穆占征逆藩吳三桂至湖廣永興縣與賊將馬寶胡國柱等力戰陣亡

恩賜雲騎尉世職

承襲詳見世職表

阿爾達

阿爾達滿洲正白旗人姓瓜勒佳氏世居烏喇地方康熙十六年以護軍校從征南將軍穆占征逆

賞卹如例

藩吳三桂至湖廣長沙與賊將吳國貴力戰陣亡

疆都

疆都滿洲正紅旗人任驍騎校康熙十三年從征
逆藩耿精忠連敗賊帥黃豪等於鄱陽湖饒州諸
處十四年七月隨侍郎舒恕復敗賊於宜黃十五
年隨安親王岳樂征逆藩吳三桂至萍鄉偽將軍
夏國相李良棟等據來龍山拒戰敗之進至湖廣

醴陵擊偽將馬寶陣亡

恩賜雲騎尉世職

承襲詳見
世職表

西里布

西里布滿洲正紅旗人姓赫舍里氏世居葉赫康熙十五年以護軍校隨寧南靖寇大將軍順承郡王勒爾錦征逆藩吳三桂至荊州與賊戰於太平街陣亡

恩賜雲騎尉世職

承襲詳見
世職表

卓克什庫

卓克什庫滿洲正紅旗人姓西林覺羅氏世居阿
來康熙十五年以護軍校征逆藩吳三桂擊賊於
南陽連敗之三月寧南靖寇大將軍順承郡王勒
爾錦分遣蕩寇將軍貝勒察尼由荊州渡江卓克
什庫從往征之與偽將軍吳國貴戰於太平街被
創尋以創發卒

恩賜雲騎尉世職

承襲詳見
世職表

布善

布善滿洲正紅旗人康熙三年以佐領從定西將軍圖海擊李來亨於茅麓山有功十四年隨振武將軍佛額勒征吳逆十五年從征叛鎮王屏藩子總正戰於平涼尋復進攻四川時偽總兵石存禮何邦俊等引賊兵七千并保保兵五百出棧道連結七營據益門鎮西山拒敵布善力戰被創歿

恩賜騎都尉世職

承襲詳見世職表

索爾和諾

索爾和諾滿洲正紅旗人任驍騎校康熙十六年
從征逆藩吳三桂至江西吉安擊偽將韓大任陳
耀元等於螺子山力戰陣亡

恩賜雲騎尉世職

承襲詳見
世職表

覺羅代袞

覺羅代袞滿洲正紅旗人

景祖翼皇帝第六弟之三子孫順治十六年以護軍叅領

隨南安將軍達素征海寇鄭成功攻廈門賊以舟
師由成普澳來犯代袞奮擊敗之康熙十六年隨
征南將軍穆占征逆藩吳三桂至湖廣永興縣偽
帥胡國柱等引賊三萬來拒代袞力戰陣亡

恩賜雲騎尉世職

承襲詳見
世職表

色經口

色經口滿洲正紅旗人姓博爾濟吉特氏世居吳
魯特地方初襲叔父綽爾機三等男并襲父色冷

雲騎尉康熙十六年從定南將軍希爾根征逆藩
耿精忠至江西撫州府時議每佐領派護軍一名
馬軍一名令色經口同護軍統領桑額領其衆赴
福州與根忒兵會至鍾家嶺賊帥宜將軍率兵四
萬來犯色經口力戰陣亡

恩賜世職為二等男

承襲詳見
封爵表

覺羅務蘇

覺羅務蘇滿洲正紅旗人康熙十六年以三等輕

車都尉從征逆藩吳三桂至廣東陣亡

恩賜雲騎尉世職

承襲詳見世職表

圖禮

圖禮滿洲鑲白旗人姓舒穆魯氏世居雅爾虎康熙十三年以七品官從征浙江十五年隨寧海將軍富喇塔擊偽都督連登雲等於雲和之石塘嶺力戰歿於陣

恩賜雲騎尉世職

承襲詳見世職表

尹塔錫

尹塔錫滿洲鑲白旗人姓伊爾根覺羅氏世居沙布灘順治十五年以委署護軍校從大兵征雲貴擊偽侯李成蛟於涼水井敗之再擊偽晉王李定國兵於雙河口步戰破敵賊復以繩繫軍士列火器來犯又擊敗之追至魯岡磨盤山進戰有功授雲騎尉康熙十五年以委署叅領從征逆藩吳三桂至江西吉安府與賊戰於陳家山陣亡

恩賜騎都尉世職

承襲詳見世職表

拜思虎朗

拜思虎朗包衣鑲白旗人姓博爾濟錦氏世居巴
爾特地方任二等侍衛康熙十四年從征逆藩耿
精忠至浙江偽都督楊祿率兵拒戰隨大兵擊敗
之又敗賊於諸暨義烏二縣又與偽都司何應龍
戰於千山嶺斬殺無算賊復渡河來犯進擊敗之
歷大溪灘抵建陽縣並有功十五年從寧海將軍

喇哈達敗海寇許耀於鎮峯山力戰陣亡

恩賜騎都尉世職

承襲詳見世職表

查傳塔

查傳塔滿洲鑲白旗人以護軍校委署叅領康熙十五年從征逆藩吳三桂至湖廣與賊將吳國貴等戰於太平街中鎗歿於陣

恩賜雲騎尉世職

承襲詳見世職表

伊色爾圖

伊色爾圖滿洲鑲白旗人姓兀扎拉氏世居黑龍
江薩爾察康熙十五年以護軍校出戍荊州連敗
吳逆兵於姚皇口時守澧州把總張昂率兵叛逃
擒殺之復隨征海寇鄭經於廈門島之澄浦畧與
先鋒佟吉奮勇攻擊奪其戰船斬偽叅將一人嗣
擊賊於蓋峙山戰歿

恩賜雲騎尉世職

承襲詳見
世職表

阿哈納

阿哈納滿洲鑲白旗人姓寧古塔氏世居薩爾湖
任二等輕車都尉康熙十三年逆藩吳三桂耿精
忠叛從征至江西耿逆偽帥黃豪率賊萬餘拒戰
於鄱陽湖之官塘擊敗之進距康山三十里有賊
千餘乘船猝至以舟師破之復破賊千餘於筇州
湖岔口又破賊二千餘於饒州湖岔口十五年隨
定遠平寇大將軍安親王岳樂擊吳逆偽將軍夏
國相李良棟等於江西萍鄉縣東之來龍山國相

等敗走進至湖廣長沙府城內賊兵突出阿哈納
隨安親王大破之遂進攻長沙城陣亡

恩賜一等輕車都尉世職

承襲詳見
世職表

伊爾格納

伊爾格納滿洲鑲白旗人姓西林覺羅氏世居尼
瑪察任驍騎校康熙十五年奉命大將軍和碩康
親王傑書與總督李之芳等議剿江山偽將馬九
玉等賊悉兵拒戰伊爾格納隨平南將軍賴塔奮

戰克之恢復江山縣旋以力竭歿於軍

恩賜雲騎尉世職

承襲詳見世職表

蓋桑阿

蓋桑阿滿洲鑲白旗人姓黃佳氏世居貝渾山秦
地方任七品官康熙十三年從征逆藩耿精忠偽
羅都督犯徽州攻績溪蓋桑阿隨江寧將軍額楚
擊敗之又破賊於洞庭橋段家村饒州府等處偽
總督姜德洪聚衆五萬於弋陽修木城拒守而遣

其將柯勝以兵來戰擊敗之又擊偽總兵郭先張
文孝於艾山破其衆六千餘至吉安再擊賊俱捷
十六年隨江寧將軍額楚至廣東與偽將軍馬寶
戰於韶州蓮花山陣亡

恩賜雲騎尉世職

承襲詳見
世職表

薩爾泰

薩爾泰滿洲鑲白旗人任佐領委署叅領駐防杭
州康熙十六年六月隨副都統呼爾圖與賊劉國

軒力戰於海澄陣亡

恩賜雲騎尉世職

承襲詳見世職表

固思塔

固思塔滿洲鑲白旗人姓西林覺羅氏世居尼瑪察地方康熙十三年以委署叅領隨鎮南將軍莽依圖征逆藩吳三桂時廣西提督馬雄叛降於吳逆十六年固思塔隨剿至桂林戰歿於陣

恩賜雲騎尉世職

承襲詳見世職表

賜祭葬

安泰

安泰滿洲鑲白旗人康熙十六年由六品官從鎮南將軍莽依圖征逆藩吳三桂至廣東韶州與偽將軍馬寶等力戰陣亡

恩賜雲騎尉世職

承襲詳見世職表

牛紐

牛紐滿洲鑲白旗人姓富察氏世居查庫塔地方

康熙十三年以七品官從征逆藩吳三桂十六年
三月隨征南將軍穆占進攻湖廣長沙與偽將軍
吳國貴力戰陣亡

恩賜雲騎尉世職

承襲詳見
世職表

依德

依德滿洲鑲白旗人康熙十六年以護軍校從征
南將軍穆占征逆藩吳三桂至湖廣之巖山嶺擊
賊將馬寶胡國柱等力戰陣亡

恩賜雲騎尉世職

承襲詳見世職表

喜保

喜保滿洲鑲白旗人任七品官康熙十六年從征

南將軍穆占討逆藩吳三桂於長沙府力戰歿

恩賜雲騎尉世職

承襲詳見世職表

明阿圖

明阿圖滿洲鑲白旗人姓兆佳氏世居西拉木蘭地方任八品官康熙十三年從征逆藩耿精忠至

江西於獅子腦鵬陡嶺等處屢敗賊兵復破賊於
孫段十六年從鎮南將軍莽依圖征逆藩吳三桂
至廣東韶州偽將軍馬寶率衆來犯明阿圖力戰
陣亡

恩賜雲騎尉世職

承襲詳見
世職表

薩爾泰

薩爾泰滿洲鑲白旗人姓索綽羅氏世居吉林烏
喇康熙十六年從寧海將軍喇哈達平南將軍塔

賴等征福建擊海寇偽將軍劉國軒等於海澄縣
奮勇戰歿

恩賜雲騎尉世職

承襲詳見
世職表

瑚魯理

瑚魯理滿洲鑲白旗人姓瓜勒佳氏世居姚家屯
地方順治十五年以護軍校從征貴州有功授雲
騎尉康熙十六年隨征南將軍穆占征逆藩吳三
桂至湖廣與偽將軍馬寶胡國柱等戰於永興之

巖山嶺陣亡

恩賜騎都尉世職

承襲詳見
世職表

德克

德克滿洲鑲白旗人姓洪果氏世居吉林烏喇地
方任驍騎校康熙十三年以部委叅領從征逆藩
吳三桂十六年隨征南將軍穆占於湖廣岳州以
送馬至長沙經洛陽河遇賊伏衆奪馬力戰歿

恩賜雲騎尉世職

承襲詳見
世職表

薩珠護

薩珠護滿洲鑲白旗人康熙十三年以空銜佐領從副都統巴爾堪征逆藩耿精忠由績溪羅平段家村進至饒州遇偽叅將陳鳳擊敗之後率所部兵擊偽吳都督於石頭街渡口及偽總督姜德洪於宜陽偽總兵郭先張文孝等於艾山俱有功十六年從征廣西至興野與偽都督饒一隆等力戰陣亡

恩賜雲騎尉世職

承襲詳見世職表

郭色

郭色滿洲鑲白旗人姓碧魯氏葉赫地方人都統三等子朱瑪喇之孫也任護軍叅領康熙十七年委署護軍統領從征逆藩吳三桂至湖廣永興與偽將軍馬寶胡國柱戰於沿山嶺奮勇進擊歿於陣二十五年議卹

恩賜雲騎尉世職

承襲詳見世職表

國錫巴

國錫巴滿洲鑲紅旗人姓噶爾喇氏世居葉赫地方康熙十三年從征逆藩吳三桂於江西湖廣屢立戰功十五年二月隨定遠平寇大將軍安親王岳樂擊吳逆偽將夏國相李良棟於江西萍鄉縣之來龍山圖錫巴管雲梯進攻歿於陣二十五年

恩賜雲騎尉世職

承襲詳見世職表

格色立

格色立滿洲鑲紅旗人姓石氏世居瓜勒佳地方
康熙十三年三月以驍騎校從定遠平寇大將軍
安親王岳樂征湖廣屢敗賊兵十五年十一月攻
長沙府擊賊歿於陣二十五年

恩賜騎都尉世職

承襲詳見
世職表

花色

花色滿洲鑲紅旗人委署護軍校康熙十五年隨
征廣西至平樂遇賊力戰歿於陣

賞卹如例

書恕納

書恕納滿洲鑲紅旗人委署護軍校康熙十五年
從定西將軍董額征從逆提督王輔臣於秦州力
戰陣亡

賞卹如例

丹布

丹布滿洲鑲紅旗人委署護軍校康熙十五年從

定西將軍董額征從逆提督王輔臣至秦州力戰
歿於陣

賞卹如例

阿爾泰

阿爾泰滿洲鑲紅旗人姓瓜勒佳氏世居輝發地
方康熙十五年以部委驍騎校隨撫遠大將軍大
學士圖海征從逆提督王輔臣戰於平涼以左臂
中傷歿於軍

恩賞銀二百兩

固寧安

固寧安滿洲鑲紅旗人署護軍校康熙十五年從定西將軍董額征從逆提督王輔臣於秦州戰歿

賞卹如例

吳喀達

吳喀達滿洲鑲紅旗人姓松顏氏世居尼雅滿署護軍校康熙十四年隨信郡王鄂扎征察哈爾布

爾尼有功十五年九月復隨將軍圖海敗叛逆王
輔臣於平涼十一月從征南將軍穆占征湖廣至
永興擊偽將軍馬寶胡國柱等歿於陣

恩賜雲騎尉世職

承襲詳見
世職表

多郭

多郭滿洲鑲紅旗人姓錫克特里氏世居卦勒察
任二等輕車都尉順治十五年隨大兵征偽桂王
由榔十六年凱旋至江南時海賊鄭成功陷鎮江

瓜州直犯江寧又隨副都統噶褚哈屢敗賊衆獲賊船以功加世職一等輕車都尉康熙十五年從寧海將軍富喇塔征海寇至福建石塘嶺擊耿逆陣亡

恩賜雲騎尉世職

承襲詳見世職表

喀士奇

喀士奇滿洲鑲紅旗人姓哲理氏世居哈達地方康熙十四年以四品官隨安北將軍內大臣佟國

綱出鎮宣府十五年從征陝西至羅門鎮力戰陣

亡

賞卹如例

袞泰

袞泰滿洲鑲紅旗人姓伊拉里氏世居費要和屯
康熙十五年以驍騎校從定遠平寇大將軍安親
王岳樂征逆藩吳三桂至江西萍鄉縣東之來龍
山擊偽將軍夏國相李良棟等力戰歿於陣

恩賜雲騎尉世職

承襲詳見世職表

穆什哈

穆什哈滿洲鑲紅旗人姓鄂吉氏世居烏喇康熙十五年以親軍校從定遠平寇大將軍安親王岳樂征逆藩吳三桂至湖廣長沙府擊賊歿於陣

恩賜雲騎尉世職

承襲詳見世職表

努克起

努克起滿洲鑲紅旗人康熙十五年以護軍校從

定遠平寇大將軍安親王岳樂征逆藩吳三桂至
江西屢立戰功是年進攻湖廣圍長沙府城被創
創潰卒

恩賜雲騎尉世職

承襲詳見
世職表

岱柱

岱柱滿洲鑲紅旗人姓董鄂氏世居阿來地方順
治十五年從順承郡王勒爾錦征偽桂王至貴州
敗偽帥李成蛟於涼水井又於雲南磨盤山擊偽

晉王李定國有功康熙十五年從征逆藩吳三桂
至湖廣太平街擊賊將吳國貴歿於陣

恩賜雲騎尉世職

承襲詳見
世職表

赫色

赫色滿洲鑲紅旗人姓董鄂氏世居瓦爾喀什地
方任一等輕車都尉康熙十五年隨大兵征提督
王輔臣於平涼屢敗賊衆十六年隨征南將軍穆
占征逆藩吳三桂至長沙擊偽將軍吳國貴歿於

陣

恩賜雲騎尉世職

承襲詳見世職表

固納海

固納海滿洲鑲紅旗人姓佟佳氏世居罕佳康熙十五年以七品司庫隨征從逆提督王輔臣擊偽總兵王繼正於平涼護山墩敗之十六年從安親王岳樂至湖廣與逆賊吳國貴戰於長沙陣亡

恩賜雲騎尉世職

承襲詳見世職表

覺羅星德

覺羅星德滿洲鑲紅旗人康熙十三年以七品官
管叅領從征逆藩吳三桂至湖廣賊帥率衆於岔
口村拒戰星德率所領兵敗之又敗賊舟師於壩
口賊帥邵連登在建昌府率衆八萬餘來犯星德
復率兵敗之十六年正月隨江寧將軍額楚圍吉
安府初八日賊將馬寶以萬餘衆來援星德力戰
於陳岡山陣亡

賞銀三百兩營葬遣侍衛奠茶酒

恩賜雲騎尉世職

承襲詳見世職表

阿爾泰

阿爾泰滿洲鑲紅旗人姓瓜勒佳氏世居安楚拉庫多爾濟河地方任驍騎校康熙十六年從鎮南將軍莽依圖征逆藩吳三桂至韶州蓮花山擊賊帥馬寶被創創潰卒

恩賜雲騎尉世職

承襲詳見世職表

阿爾護

阿爾護滿洲鑲紅旗人姓富察氏世居輝發地方
康熙十五年十二月以副都統從將軍穆占出兵
湖廣屢著勞績十六年四月在長沙府地方擊賊
歿於陣

恩賜三等輕車都尉世職

承襲詳見
世職表

沙爾虎達

沙爾虎達滿洲鑲紅旗人姓瓜勒佳氏世居烏喇

地方初從征羅察跳船擊賊有功授雲騎尉康熙
十六年隨奉命大將軍康親王傑書征福建海賊
屢敗其衆後擊偽將軍劉國軒於海澄力戰陣歿

恩賜雲騎尉世職

承襲詳見
世職表

克色禮

克色禮滿洲鑲紅旗人任驍騎校康熙十三年隨
安親王岳樂征江西連敗吳逆偽將軍邵連登等
於建昌長興山偽將軍夏國相李良棟等復率兵

踞萍鄉縣東來龍山立寨掘濠拒敵大破之十六
年攻長沙城力戰陣亡

恩賜騎都尉世職

承襲詳見
世職表

安岱

安岱滿洲正藍旗人任七品官康熙十五年從征
逆藩吳三桂與賊戰於湖廣陣亡

恩賜雲騎尉世職

承襲詳見
世職表

雅穆達

雅穆達滿洲正藍旗人任佐領康熙十三年從征
逆藩耿精忠至江西遇賊首王浩率衆拒敵敗之
又敗賊於饒州府之湖汊十五年隨定遠平寇大
將軍安親王岳樂征逆藩吳三桂至湖廣長沙府
賊從城內突出中鎗墜馬死

恩賜雲騎尉世職

承襲詳見
世職表

覺羅薩克蘇

覺羅薩克蘇滿洲正藍旗人世居

盛京康熙十五年從寧海將軍富喇塔征耿逆八月
至浙江台州擊偽將軍曾養性等於土木嶺半山
嶺俱敗之賊棄營拒守黃巖薩克蘇復隨副都統
紀爾他布追剿之力戰歿於陣

恩賜騎都尉世職

承襲詳見
世職表

萬佛保

萬佛保滿洲正藍旗人任八品官康熙十三年從
征逆藩耿精忠敗賊於江西南康府十五年至廣

東擊叛鎮馬雄祖澤清歿於陣

恩賜雲騎尉世職

承襲詳見世職表

忠愛

忠愛滿洲正藍旗人姓納喇氏世居扎濟里城任七品官康熙十五年隨安親王岳樂征逆藩吳三桂於湖廣與賊力戰陣亡

恩賜雲騎尉世職

承襲詳見世職表

覺羅薩鼎

覺羅薩彝滿洲正藍旗人康熙十五年以七品官
隨定遠平寇大將軍安親王岳樂征逆藩吳三桂
至湖廣長沙遇賊兵於南門外力戰陣亡

恩賜雲騎尉世職

承襲詳見
世職表

七十三

七十三滿洲正藍旗人姓完顏氏世居法庫康熙
十五年以驍騎校從征逆藩吳三桂至湖廣石首
縣遇賊力戰陣亡

恩賜騎都尉世職

承襲詳見
世職表

觀音保

觀音保滿洲正藍旗人姓布吉爾根氏世居烏魯
特任七品官康熙十五年從征逆藩吳三桂至湖
廣遇賊力戰陣亡

恩賜雲騎尉世職

承襲詳見
世職表

薩弼漢

薩弼漢滿洲正藍旗人姓伊爾根覺羅氏世居胡

納河康熙十五年隨安親王岳樂征逆藩吳三桂
於湖廣遇賊力戰陣亡

恩賜雲騎尉世職

承襲詳見
世職表

猛保

猛保滿洲正藍旗人姓納喇氏世居輝發初任三等侍衛署護軍叅領康熙十五年從征湖廣十七年五月隨貝勒尚善擊賊於岳州陣亡

恩賜雲騎尉世職

承襲詳見
世職表

索色

索色滿洲正藍旗人姓舒穆祿氏世居吉陽康熙十五年以三等輕車都尉兼副叅領隨副都統西佛征叛賊於羅門鎮力戰陣亡

恩賜一雲騎尉併為二等輕車都尉世職

承襲詳見世職表

瑪芬

瑪芬滿洲正藍旗人姓博爾濟吉特氏世居厄魯特地方康熙十三年六月隨副都統碩岱征逆藩

吳三桂於廣東十五年四月初四日遇賊於遂溪
縣力戰陣亡

恩賜雲騎尉世職

承襲詳見
世職表

伊立布

伊立布滿洲正藍旗人世居褚庫爾村以地為民
任驍騎校委署叅領康熙十三年從寧海將軍喇
哈達平南將軍塔賴等征福建時海寇煽亂伊立
布隨大兵連敗賊首李廷貴等十五年進兵至海

澄縣遇偽將軍劉國軒等統賊來犯力戰歿於陣

恩賜雲騎尉世職

承襲詳見世職表

書穆岱

書穆岱包衣正藍旗人姓蘇佳氏世居德里倭河以軍功授浙江溫州遊擊康熙十五年耿逆偽都督曾養性等率賊衆四萬餘分水陸環攻溫州書穆岱隨寧海將軍富喇塔總兵陳世凱奮勇擊賊歿於陣

恩賜雲騎尉世職

承襲詳見世職表

阿布善

阿布善滿洲正藍旗人姓扎拉里氏世居瓦爾喀地方任驍騎校署佐領康熙十六年隨奉命大將軍康親王傑書征逆藩耿精忠至漳州與偽將軍劉國軒力戰陣亡

恩賜雲騎尉世職

承襲詳見世職表

托班

托班滿洲正藍旗人姓伊爾根覺羅氏世居胡納
河地方以驍騎校從征逆藩吳三桂康熙十六年
隨征南將軍穆占至湖廣與偽將軍吳國貴戰於
長沙陣歿

恩賜雲騎尉世職

承襲詳見
世職表

海泰禮

海泰禮滿洲正藍旗人姓伊爾根覺羅氏世居葉
赫地方以七品官從副都統鄂申征逆藩耿精忠

至浙江金華敗偽都督閻標等兵凡十五次康熙
十六年隨奉命大將軍康親王傑書剿海寇至福
建海澄擊偽將軍劉國軒力戰歿於陣

恩賜雲騎尉世職

承襲詳見
世職表

倭黑

倭黑滿洲正藍旗人姓納喇氏世居烏拉地方由
領催委驍騎校駐防江寧康熙十六年二月隨
副都統呼圖於福建泉州府與海寇偽將軍劉國

軒力戰陣亡

賞卹如例

佛保住

佛保住滿洲正藍旗人姓溫都氏世居海鹽地方
初襲父薩爾太陣亡功騎都尉職康熙十二年以
署叅領隨署副都統伊博克圖征逆藩吳三桂與
偽將軍王慧郭士英戰於攸縣東南敗之賊又以
四象列陣攸縣之東復率本旗兵敗之十六年隨

征南將軍穆占與賊戰於永興中礮歿

賞卹如例

塔喀布

塔喀布滿洲正藍旗人任驍騎校康熙十六年從
征福建海賊鄭成功攻廈門大敗之進至澄浦畧
力戰歿於陣

恩賜雲騎尉世職

永襲詳見
世職表

巴希泰

巴希泰滿洲正藍旗人任護軍校從征浙江敗偽
總制陳六御偽英毅伯阮思等於舟山康熙十六
年從征福建海賊鄭成功攻廈門力戰歿於陣

恩賜雲騎尉世職

承襲詳見
世職表

卓爾齊泰

卓爾齊泰滿洲正藍旗人姓兀札喇氏世居薩哈
爾察地方由防禦委署叅領康熙十三年從征逆
藩耿精忠至江南連敗賊於休寧縣又敗賊於江

西饒州等處進兵至廣東十六年十二月初五日
與逆藩吳三桂偽帥馬寶等戰於韶州陣亡

恩賜雲騎尉世職

承襲詳見
世職表

松愛

松愛滿洲鑲藍旗人姓滿札氏世居葉赫地方康熙十三年以護軍校從征逆藩耿精忠至江西建昌府四敗賊兵恢復建昌十四年五月隨定南將軍希爾根敗賊帥邵連登於長興水陸迎敵有功

十五年二月從安親王岳樂征逆藩吳三桂遇偽將夏國相兵戰於萍鄉中傷歿二十五年

恩賜雲騎尉世職

承襲詳見世職表

萬達理

萬達理滿洲鑲藍旗人姓瓜勒佳氏世居輝發康熙十五年以護軍校隨安遠靖寇大將軍貝勒尚善征逆藩吳三桂於湖廣至岳州力戰陣亡

恩賜雲騎尉世職

承襲詳見世職表

恩特

恩特滿洲鑲藍旗人姓瓜勒佳氏世居瓦爾喀任親軍校康熙十三年隨安西將軍穆占協剿逆藩吳三桂有功十五年五月進攻長沙遇賊於洛亭河力戰陣亡

恩賞銀一百五十兩

科賚

科賚滿洲鑲藍旗人姓舒舒覺羅氏世居葉赫地

方以五品官委署叅領隨定遠平寇大將軍安親
王岳樂至江西剿吳耿二逆康熙十五年二月十
五日遇吳逆偽將夏國相於萍鄉縣東之來龍山
戰歿

恩賜雲騎尉世職

承襲詳見
世職表

車爾圖

車爾圖滿洲鑲藍旗人姓佟佳氏世居達庫里康
熙十五年以空銜護軍叅領從征逆藩吳三桂至

湖廣攻長沙戰歿於陣

恩賜雲騎尉十七年

恩贈雲騎尉世職

承襲詳見世職表

立固

立固滿洲鑲藍旗人姓納喇氏世居輝發襲雲騎尉任護軍叅領康熙十五年從征逆藩吳三桂至湖廣進攻長沙力戰歿於陣

恩賜雲騎尉世職

承襲詳見世職表

務立布

務立布滿洲鑲藍旗人姓瓜勒佳氏世居蓋雞地
方康熙十三年以驍騎校從征逆藩吳三桂於朝
天關等處擊敗偽將石存禮等兵數萬敘功授雲
騎尉十五年隨將軍靖逆侯張勇擊賊於羅門鎮
力戰陣亡

恩賜騎都尉世職

承襲詳見
世職表

海蘭

海蘭滿洲鑲藍旗人姓瓜勒佳氏世居尼馬察地
方康熙十五年以六品官從征逆藩吳三桂十六
年隨征南將軍穆占至湖廣之永興偽將軍馬寶
胡國柱等率賊圍城從都統伯宜理布等奮勇出
戰歿於陣

恩賜雲騎尉世職

永樂詳見
世職表

素拜

素拜滿洲鑲藍旗人姓那喇氏世居葉赫地方由

監生歷任叅領康熙十三年隨征南將軍莽依圖
進取廣西十六年五月擊賊於桂林陣亡

恩賜雲騎尉世職

承襲詳見
世職表

克禮

克禮滿洲鑲藍旗人姓瓜勒佳氏世居蘇完地方
任驍騎校康熙十六年正月隨護軍統領哈克山
擊偽將軍韓大任於瑞金之老虎洞力戰陣亡

恩賜雲騎尉世職

承襲詳見
世職表

阿哈尼堪

阿哈尼堪滿洲鑲藍旗人姓西林覺羅氏世居汪
秦地方任驍騎校康熙十六年隨征南將軍莽依
圖征逆藩吳三桂至廣東韶州府與賊將胡國柱
馬寶等五路賊兵力戰陣亡二十五年

恩賜雲騎尉世職

承襲詳見
世職表

赫貝

赫貝滿洲鑲藍旗人姓俞庫勒氏世居長白山地

方康熙十三年以八品官隨定南將軍希爾根征
逆藩耿精忠至江西三敗偽羅都督之衆至饒州
復三敗偽叅將水陸之衆又連敗賊於弋陽縣艾
山等處十五年十二月逆藩吳三桂遣偽都督郭
應福於泰和縣之蘆源洞拒戰赫貝隨副都統多
諾擊敗之十六年六月偽帥馬寶等犯湖廣之永
興赫貝隨將軍穆占力戰負創歿二十五年

恩賜雲騎尉世職

承襲詳見
世職表



欽定八旗通志卷二百十五

欽定四庫全書

史部

欽定八旗通志卷

二百十六至
二百十七

欽定四庫全書

欽定八旗通志卷二百十六

人物志九十六

忠義傳八

滿洲八旗八
康熙十七年至二十七年共七十五人

五穆都

五穆都滿洲鑲黃旗人姓富察氏世居葉赫地方

順治十五年以護軍叅領從信郡王多尼征貴州

敗偽侯李成蛟等於涼水井至雙河口敗偽王李

定國進至魯噶復大敗其衆追至磨盤山又敗之
十八年授雲騎尉世職是年從征山東土賊于七
至鋸齒崖敗賊俞三呂四奇等康熙十三年署前
鋒統領同貝子富拉塔征逆藩耿精忠至浙江敗賊
於黃水山至蒲塘敗偽總兵吳臣又敗偽將軍楊
德十四年十月至上蒲塘偽將軍曾養性率賊三
萬餘衆乘船二百餘艘水陸來戰五穆都同貝子
富拉塔奮擊敗之復太平樂清青田三縣及大荆

盤石二衛以力戰身被數創十七年七月三十日
傷發卒十九年議功加世職

恩賜雲騎尉併為騎都尉世職

承襲詳見
世職表

賜祭葬予謚立碑

哈寧阿

哈寧阿滿洲鑲黃旗人姓水勒佳氏初署護軍校
康熙十五年隨揚威大將軍簡親王喇布征吳三
桂於江西十六年十二月擊賊於吉安樟坑嶺十

七年進勦老虎洞青龍嶺諸處所至克敵尋署護
軍叅領陞護軍統領六月至永順縣擊偽將馬寶
胡國柱等力戰中礮歿於陣

賞卹如例

覺羅莫洛渾

覺羅莫洛渾滿洲鑲黃旗人祖拜三天聰中從大
兵攻寧遠陣亡父顧納岱順治初從征南昌府中
礮陣亡累贈一等子並自有傳莫洛渾初襲父世

職任事勤慎康熙十七年從征福建海賊進攻廈門禦敵衝鋒奮勇力戰陣亡加贈騎都尉授三等伯謚剛勇

賜祭葬立碑墓道

敦達禮

敦達禮滿洲鑲黃旗人康熙十八年二月以七品官從安親王岳樂征逆孽吳世璠至湖廣長沙府偽將軍吳國貴等來拒敦達禮身先士卒力戰陣

亡二十五年

恩賜雲騎尉世職

承襲詳見
世職表

五塞

五塞滿洲鑲黃旗人署護軍校康熙十三年隨內
大臣阿密達往河南擒叛鎮蔡祿有功十八年隨
順承邵王勒爾錦征湖廣至武岡州雙井鋪擊賊
陣亡

賞卹如例

覺羅努赫勒

覺羅努赫勒滿洲鑲黃旗人康熙十四年以一等侍衛從征逆藩吳三桂至湖廣十七年六月有偽將軍杜輝巴養元江義等率二萬餘賊乘船二百餘隻來犯柳林嘴努赫勒隨討逆將軍鄂內率舟師敗之杜輝等又率賊來犯君山仍以舟師連敗其衆進至湘陰距縣城五里敗賊衆二千餘十九年隨固山貝子章泰進征貴州擊吳逆偽將軍高

起龍等中傷陣亡

恩賜雲騎尉世職

承襲詳見世職表

博洛

博洛滿洲鑲黃旗人康熙十五年以一等侍衛兼護軍叅領隨定遠平寇大將軍安親王岳樂征逆藩吳三桂屢立戰功十九年從固山貝子章泰勦賊至平越府以本旗驍騎校二十餘人擊賊陣亡

恩賜雲騎尉世職

承襲詳見世職表

董重民

董重民包衣鑲黃旗人康熙十九年六月以四品
官奉

命往雲南招撫逆孽吳世璠世璠抗命不從重民切責之

被害

賜祭一次

恩賜都司魚書廕子董高巴五品官

阿爾賽

阿爾賽滿洲鑲黃旗人姓康儀爾氏世居費爾塔
哈村地方康熙十四年從定遠平寇大將軍安親
王岳樂征逆藩吳三桂為左翼前鋒統領率領前
鋒兵擊賊嘗十戰皆克之二十年正月擊賊於貴
州平越府水西之蘆柴坑力戰歿於陣

恩賜雲騎尉世職

承襲詳見
世職表

尼馬達

尼馬達滿洲鑲黃旗人駐防江寧官佐領部委叅

領于康熙二十四年四月初十日隨叅謀大臣刑部
尚書齋三在福州府拒敵陣亡

賞卹如例

鄂爾吉虎

鄂爾吉虎滿洲鑲黃旗人由親軍委署護軍校隨
順承郡王勒爾錦征逆藩吳三桂康熙二十年二
月初八日至山西平陽府之高橋擊賊中鎗歿

賞卹如例

登庫

登庫滿洲鑲黃旗人姓鈕祜祿氏世居柏山哈達
任驍騎校從征雲南江西有功康熙二十五年從
征廣東至韶州府東山遇賊戰亡

賞卹如例

古魯錫

古魯錫滿洲正黃旗人姓巴岳特氏世居蒙古他
拉西拉穆蘭地方任護軍叅領康熙十三年隨奉

命大將軍康親王傑書征逆藩耿精忠十七年閏
三月抵漳州與海賊偽將軍劉國軒力戰死之

恩賜雲騎尉世職

承襲詳見
世職表

噶爾都

噶爾都滿洲正黃旗人姓西克特禮氏世居松阿
禮烏拉之庫爾喀和羅懇布祿村地方襲父賈能
阿一等輕車都尉又一雲騎尉康熙十四年噶爾
都從征陝西擊叛賊王輔臣子王繼正敗之十七

年從征南將軍穆占往湖廣征逆藩吳三桂至沿
山嶺賊將馬寶等率三萬餘衆來戰噶爾都力戰

陣亡

恩賜三等男世職

永襲詳見
封爵表

巴圖

巴圖滿洲正黃旗人姓他塔喇氏其先係察哈爾
蒙古襲父索寧三等輕車都尉職隨貝勒尚善征
逆藩吳三桂康熙十七年在湖廣洞庭湖擊偽帥

杜輝巴養元江義等歿於陣

恩賜二等輕車都尉世職

承襲詳見世職表

黑色

黑色滿洲正黃旗人任一等輕車都尉康熙十七年隨將軍貝勒尚善征逆藩吳三桂至湖廣長沙府陣亡

賞卹如例

傅岱

傅岱滿洲正黃旗人姓舒舒覺羅氏世居烏英額
地方康熙十三年以驍騎校從征藩吳三桂至
陝西隨振武將軍佛尼勒敗賊於滴水涯進次平
涼賊三千餘衆斷路立寨復擊敗之尋從征四川
賊將石存禮黑邦俊楊天保徐宗炳等率裸裸七
千出棧道益門鎮立七營於西山傅岱隨大兵攻
破之又敗賊衆四千於陽山池又敗益門鎮賊兵
於黃兒山十七年隨討逆將軍鄂內湖廣總督蔡

毓榮至岳州賊將杜輝巴養元江義等率船二百艘賊二萬衆由洞庭湖至柳林嘴來犯傅岱隨大兵以舟師力戰陣亡

恩賜雲騎尉世職

承襲詳見世職表

海什尼

海什尼滿洲正黃旗人康熙十三年以委署護軍校隨奉命大將軍康親王傑書征逆藩耿精忠至浙江破賊帥王宗仁於諸暨河岸又敗偽都督於

義烏又敗偽總兵於臨善村又隨平南將軍賴達
敗偽將軍李廷貴於衢州府北原口破其四營又
敗偽林總兵於大溪灘十五年隨賴塔破海寇於
小門山鎮風嶺諸處十六年進擊偽總督興明伯
趙得盛偽將軍何猷等於太平山破其十六營柏
木山賊衆未援敗之時賊勢甚盛海什尼於四騎
前鋒中首先進擊奮勇力戰追破賊於城下十八
年福建泉州府被圍隨賴塔往援阻洛陽槁奪其

稿泉州之圍遂解海什尼亦受傷陣亡

恩賜騎都尉世職

承襲詳見世職表

觀音保

觀音保滿洲正黃旗人康熙十八年以從征福建海寇鄭成功於侯官縣戰歿

恩賜雲騎尉世職

承襲詳見世職表

邁圖

邁圖滿洲正黃旗人姓水勒佳氏世居蕪完地方

康熙十三年征逆藩耿精忠以署驍騎校隨定國將軍希爾根至江西南昌總兵官楊富叛隨將軍執之於省城又隨希爾根及平寇將軍哈爾哈齊等敗偽都督易天錫於建昌易天錫自建昌趨撫州復追敗之又隨希爾根敗賊於塘阜及宜黃十四年四月隨定遠平寇大將軍安親王岳樂擊耿逆偽將軍邵連登於長興連破之復建昌乘勝攻新城並有功迺隨副都統額赫納等駐守建昌十

二月賊首李茂珠等率賊萬餘列陣於城南之鐘鼓山欲攻城邁圖隨額赫納等率衆出城奮擊敗之追殺數百里十五年九月隨額赫納敗賊於芝坪時以署叅領第一隊前進三敗賊於府城之北關斬偽副將楊六曾國珍偽守備朱世龍趙虎錢松夏椿許大詔等十七年隨江寧將軍額楚進廣西征逆藩吳三桂敗偽將軍吳世琮於藤縣二十一年隨征南大將軍賴塔征逆孽吳世璠兩敗賊於

石門坎進至雲南城下力戰陣亡

恩賜雲騎尉世職

承襲詳見世職表

彰保住

彰保住滿洲正黃旗人姓薩克達氏世居寧古塔地方康熙十五年以七品官從征逆藩吳三桂至湖廣破賊萬餘於攸縣賊收衆復戰又敗之十六年與賊戰於永興城下二十年至雲南破賊並有功旋從都統希佛等追偽將軍馬寶巴養元於馬

木山力戰陣亡

恩賜雲騎尉世職

承襲詳見
世職表

噶思海

噶思海滿洲正白旗人姓瓜勒佳氏世居虎爾哈
地方任騎都尉兼一雲騎尉順治十一年從寧海
大將軍宜爾德征偽魯王至浙江舟山擊偽總兵
陳六御偽英毅伯阮思等於海上全委署護軍統
領尼雅達等敗其衆獲船隻以功加世職為三等

輕車都尉十四年從定遠大將軍簡親王濟度征
福建海寇鄭成功破賊船六百餘於廈門康熙十
六年隨將軍穆占征逆藩吳三桂至湖廣與偽將
軍馬寶胡國柱等戰於永興陣亡弟之子富海襲
職二十五年叙噶思海功追加為二等輕車都尉世

職

承襲詳見
世職表

尚志立

尚志立包衣滿洲正白旗人世居瀋陽地方

國初來歸任遊擊康熙十三年從征逆藩吳三桂至湖廣十七年隨總督蔡毓榮擊賊帥杜輝巴養元等於洞庭湖力戰陣亡

恩賜雲騎尉世職

承襲詳見世職表

巴查爾

巴查爾滿洲正白旗人姓博爾濟錦氏世居克祿倫地方康熙十七年以三等男隨征南將軍穆占征逆藩吳三桂至湖廣永興縣擊偽將軍胡國柱

馬寶等力戰陣亡

賞卹如例

尼麻喇

尼麻喇滿洲正白旗人任護軍校康熙十七年從
征福建攻海寇於廈門力戰陣亡

恩賜雲騎尉世職

承襲詳見
世職表

瓦濟馬

瓦濟馬滿洲正白旗人姓衣勒佳氏世居雅爾湖

地方任護軍校康熙十七年從征逆藩吳三桂至湖廣偽將軍吳應麒廖進忠馬寶等率衆七萬據岳州隨討逆將軍鄂內擊賊陣亡

恩賜雲騎尉世職

承襲詳見世職表

彥拜

彥拜包衣滿洲正白旗人姓水勤佳氏世居烏喇地方康熙十三年以六品官委署護軍校從征逆藩耿精忠至浙江賊帥王宗仁率衆二千餘拒於

諸暨河岸彥拜隨副都統馬哈達敗之至義烏敗
偽龔都督等於山坑嶺偽都督周烈偽總兵桑明
等自衢州府蕉園率衆二萬餘來戰彥拜隨平南
將軍賴塔敗之於紅橋又敗偽將軍馬九玉等十
七年敗海寇偽總督徐堯於烏龍江之小門山鎮
又敗賊於鎮風山破偽總督趙得勝於太平山敗
其二十餘營又敗偽將軍何猷徐堯吳順等於泉
州克其城旋追逆賊於祖頭山力戰陣亡

恩賜雲騎尉世職

承襲詳見世職表

倭詩

倭詩滿洲正白旗人姓托活洛氏世居虎爾哈地方康熙十七年由七品官從討逆將軍鄂內征逆藩吳三桂至湖廣洞庭湖遇賊將杜輝等力戰陣

亡

恩賜雲騎尉世職

承襲詳見世職表

色克圖

色克圖滿洲正白旗人姓納喇氏世居哈達任七品官康熙十七年從征逆藩吳三桂至廣東遇偽將馬雄董仲民王宏勳等率衆拒敵戰歿於陣

賞卹如例

瓦爾達

瓦爾達滿洲正白旗人姓湯務氏世居哈達地方康熙十四年以委署護軍校從征逆藩耿精忠三月至江西敗偽都督易天錫於建昌府又於千金

坡敗偽總兵楊三李茂珠等至會浦擊偽總兵朱
一典尋抵新昌擊偽帥莫國棟兵連戰皆捷五月
隨定南將軍希爾根敗偽將軍邵連登於建昌府
之長興十五年二月隨安親王岳樂至萍鄉破偽
將軍夏國相李良棟等於來龍山十八年至長沙
府用雲梯攻城同黑圖先登被傷而歿

恩賜騎都尉世職

永襲詳見
世職表

西持庫

西特庫滿洲正白旗人姓依勒佳氏世居蘇完地方康熙十三年以委署佐領從征藩耿精忠至浙江敗其偽千總兵又隨平南將軍賴塔敗偽都督周烈於衢州十二月偽總兵桑明等又犯衢州復敗之於蕉園河岸十四年敗偽將馬九玉於繆村十五年從賴塔進攻福建破偽總兵閔可孝守備趙申等於夏口海寇鄭錦遣偽帥許耀聚衆三萬於小門山又隨賴塔進擊敗之又敗之於真鳳山

十八年海寇偽將軍劉國軒統衆萬餘來犯海澄

力戰陣亡

恩賜雲騎尉世職

承襲詳見
世職表

阿蘭

阿蘭滿洲正白旗人任前鋒校康熙十八年隨征

南將軍穆占征湖廣至永興沿山嶺與吳逆偽將

胡國柱等力戰歿於陣

恩賜雲騎尉世職

承襲詳見
世職表

費雅達

費雅達包衣正白旗人姓馬氏世居

盛京任總兵官初隨將軍王進寶征漢中有功後從
將軍趙良棟由雲南至四川康熙十八年九月抵
永寧衛遇逆賊夏國相吳國柱等率兵拒戰身被
重傷遂亡於陣其隨丁四十名俱死焉

特加太子少保左都督謚忠勇

恩賜騎都尉世職

承襲詳見
世職表

阿哈立

阿哈立滿洲正白旗人康熙二十年隨征逆孽吳世璠於雲南力戰歿

息賜雲騎尉世職

承襲詳見世職表

六什

六什滿洲正白旗人任護軍校康熙二十年隨征逆孽吳世璠於雲南力戰歿

息賜雲騎尉世職

承襲詳見世職表

阿布爾岱

阿布爾岱滿洲正白旗人署護軍校康熙二十年
隨將軍賴塔征逆孽吳世璠於雲南至歸化寺戰
歿

賚卹如例

海周

海周滿洲正白旗人康熙二十年以駐防協領征
逆孽吳世璠於雲南力戰歿

恩賜騎都尉世職

承襲詳見世職表

燕泰

燕泰滿洲正紅旗人姓輝和氏世居長白山尼瑪察村以驍騎校從征浙江舟山偽英毅伯阮思列百艘于海上隨副都統葛德宜破其衆三萬人又從征湖廣茅麓山燕泰同叅領覺羅來華戰敗之屢破尚望坪諸處皆有功授雲騎尉世職署叅領事康熙十三年從大將軍貝子章泰往雲南征逆

賊吳三桂七月偽將軍馬寶等率衆七萬環列鎗
炮拒戰燕秦傷足左右曰創甚當還燕秦曰不可
平日受國家養恩此以一當百之時也策馬進
中鎗卒加世職為騎都尉十七年

諭祭一壇追贈通議大夫並

賜修墳銀三百兩

伍禮

伍禮滿洲正紅旗人姓赫舍里氏世居和多穆哈

連地方康熙十四年以護軍校隨信郡王鄂札討
察哈爾布爾尼至大魯屢敗其衆斬獲甚多授雲
騎尉十七年後討逆將軍鄂內征逆藩吳三桂至
湖廣破偽將軍杜輝等舟師於洞庭湖進攻湘陰
力戰陣亡

恩賜騎都尉世職

承襲詳見
世職表

穆舒

穆舒滿洲正紅旗人姓鄂卓氏世居葉赫地方康

熙十六年以佐領隨大兵征逆藩吳三桂至四川保寧有賊來犯我營穆舒奮力進勦擊敗其衆

聖祖仁皇帝深嘉其勇

特擢本旗蒙古副都統十七年隨大兵由湖廣進征吳逆

值偽將軍杜輝巴養元江義等率舟師二萬餘陣於洞庭湖柳林嘴進擊敗之賊復率舟師萬餘來犯又擊敗之進取湘陰縣戰於九馬嘴地方陣亡

賜銀一千兩

恩賜騎都尉世職

承襲詳見世職表

綏哈

綏哈滿洲正紅旗人姓伊爾根覺羅氏世居呼納赫地方康熙十七年以三等護衛從征逆藩吳三桂至湖廣岳州府偽將軍杜輝巴養元江義等率其舟師二萬餘於洞庭湖柳林嘴來犯綏哈隨討逆將軍鄂內連擊敗之旋進取湘陰於九馬嘴擊

賊陣亡二十五年

恩賜雲騎尉世職

承襲詳見
世職表

勒畢

勒畢滿洲正紅旗人世居虎爾哈地方以地為氏
順治十七年海賊鄭成功犯江南勒畢以佐領隨
安南將軍明安達理往援偽都督楊文英率舟師
百餘艘自舊縣未犯奮擊却之康熙十七年從討
逆將軍鄂內征逆藩吳三桂至湖廣擊賊杜輝巴
養元於洞庭湖柳林嘴力戰陣亡二十五年

恩賜雲騎尉世職

承襲詳見
世職表

卦錫哈

卦錫哈滿洲正紅旗人姓納刺氏世居哈達地方
康熙十七年以七品官隨討逆將軍鄂內征逆藩
吳三桂至湖廣屢擊破偽將軍杜輝巴養元江義
等舟師於洞庭湖柳林嘴君山又敗之於陸石口
二十年隨征南將軍賴塔征逆孽吳世璠平雲南
又隨都統希佛等追偽將軍馬寶巴養元至烏木

山破之賊復集衆據山巔拒戰卦錫哈往擊歿於

陣二十五年

恩賜雲騎尉世職

承襲詳見世職表

海度

海度滿洲鑲白旗人姓舒舒覺羅氏世居長白山以佐領駐防江寧順治十五年從征貴州凱旋會海賊鄭成功圍江寧擊敗之康熙十三年從副都統呼圖征逆藩耿精忠敗偽葉總兵副將馬思等

於浙江臨善村又擊偽將馬九玉等於九溪遷木
山北原口村小門山鎮峯山太平山諸處屢戰皆
捷十五年進至福建敗偽將吳淞於泉州十七年
偽將劉國軒攻海澄海度奮勇戰歿

恩賜騎都尉兼一雲騎尉世職

承襲詳見
世職表

漢楚翰

漢楚翰滿洲鑲白旗人任八品官康熙十三年從
征逆藩耿精忠至江西連敗賊於饒州永豐德興

諸處十七年隨將軍莽依圖征逆孽吳世琮於新
村西山戰歿

恩賜雲騎尉世職

永襲詳見
世職表

西巴里

西巴里滿洲鑲白旗人姓富察氏世居納音地方
襲一等輕車都尉從征福建兩敗賊兵康熙十七
年隨討逆將軍鄂內征逆藩吳三桂至湖廣岳州
與賊帥吳應麒等力戰陣亡

恩賜兼雲騎尉世職

承襲詳見
世職表

賜祭葬

振特

振特滿洲鑲白旗人姓碧魯氏世居葉赫地方康熙十八年八月以驍騎校隨安親王岳樂征逆藩吳三桂至湖廣武岡州雙井堡與賊帥吳國貴等力戰陣亡

恩賜雲騎尉世職

承襲詳見
世職表

習岱

習岱包衣鑲白旗人任護軍校康熙十八年隨寧
海將軍喇哈達征海賊鄭錦至福建廈門力戰陣

亡

恩賜雲騎尉世職

承襲詳見
世職表

和善

和善包衣鑲白旗人其祖宏化父先聲相繼為鑾
儀使兄繼尊仕至都統和善初任副將隨奮威將

軍王進寶西征至豐縣兩次破賊四千餘克復二
城恢復五關漢中保寧並在行間有功授雲騎尉
康熙十九年從征四川在瀘州奮擊賊兵歿於陣

恩賜騎都尉世職

承襲詳見
世職表

奇留

奇留滿洲鑲白旗人以雲騎尉隨將軍愛育征逆
藩吳三桂康熙十六年九月二十四日至廣東韶
州府蓮花山賊馬寶嘯聚攻劫移兵勦捕奇留左

有中炮創甚不死二十年七月二十三日隨固山
貝子章泰進攻雲南與賊戰舊創迸裂遂歿於陣

恩賜騎都尉世職

承襲詳見
世職表

綏哈

綏哈滿洲鑲紅旗人委署護軍校康熙十七年從
征逆藩吳三桂至湖廣岳州擊偽將杜輝巴養元
等於洞庭湖柳林嘴陣亡

賞卹如例

喇占

喇占滿洲鑲紅旗人姓水勒佳氏世居安褚拉庫
地方任一等輕車都尉康熙十五年從征逆藩耿
精忠屢敗賊衆於石塘崩滿塘新屯都等處十八
年隨平南將軍賴塔擊偽將軍劉國軒於蜈蚣山
陣亡

恩賜雲騎尉世職

冰襲詳見
世職表

岳洛

岳洛滿洲鑲紅旗人世居覺爾察地方以地為氏
由佐領從征江西在遲斗關南康府擊賊有功康熙十九年隨揚威大將軍簡親王喇布進征賊衆於柳州府之羅城力戰陣亡

恩賜雲騎尉世職

承襲詳見世職表

塞爾圖

塞爾圖滿洲鑲紅旗人姓完顏氏世居翁果爾和
地方父額德陣亡於旅順口有傳塞爾圖襲三等

輕車都尉康熙十五年從征江西廣東廣西並有
功二十年征雲南隨平南將軍賴塔敗賊於黃草
壩乘勝進攻雲南城擊偽將軍胡國秉等歿於陣

恩加一等輕車都尉世職

承襲詳見
世職表

紐默淳

紐默淳滿洲鑲紅旗人姓瓜勒佳氏世居石崖地
方康熙十四年由前鋒從撫遠大將軍信郡王鄂
札征察哈爾布爾尼首先進擊斬獲有功授雲騎

尉二十三年從公彭春等征羅察由恒滾過葫蘆河招撫甚衆旋攻雅克薩城歿於陣

恩賜騎都尉世職

永襲詳見世職表

瑚善

瑚善滿洲鑲紅旗人姓瓜勒佳氏世居內河地方任八品筆帖式康熙二十七年從撫遠大將軍伯費揚古由西路進征厄魯特噶爾丹至吳兒會河擊賊歿於陣

恩賜雲騎尉世職

承襲詳見
世職表

哈克三

哈克三滿洲正藍旗人姓佟佳氏世居加哈父法
薩禮從征戰歿自有傳哈克三由禮部筆帖式擢
至本旗護軍叅領征湖廣茅麓山賊有功擢本旗
蒙古副都統調滿洲副都統尋擢本旗護軍統領
康熙十四年察哈爾布爾尼反

命信郡王鄂札為撫遠大將軍討之哈克三叅贊軍務擊

賊於大鹵大破之招撫數千戶賊平叙功授三等
輕車都尉十六年率兵出江西征逆藩吳三桂連
破賊於新田所至克捷十七年正月敗賊將韓大
任於老虎洞燒其營若擒偽總兵副將等百餘人
賊窮蹙詣福建康親王傑書軍前降六月吳逆復
寇永興犯我河外營哈克三與都統伯宜里布率
兵禦之與賊將馬寶戰創重卒

賜祭葬謚武毅贈一等輕車都尉兼一雲騎尉世職

承襲
詳見

世職表

賽柱

賽柱滿洲正藍旗人任四品典儀官康熙十三年
從征逆藩耿精忠至浙江連敗賊將王宗仁等七
次十七年從征海寇與偽將劉國軒戰歿

恩賜騎都尉世職

承襲詳見
世職表

韓禹

韓禹滿洲正藍旗人姓伊拉喇氏世居敦泥地方

以驍騎校隨奉命大將軍康親王傑書征逆藩耿
精忠平定浙江福建等處有功康熙十七年師至
漳州我兵有困於海賊者隨副都統孟阿等救之
遇偽提督何湛之未拒力戰陣亡

恩賜雲騎尉世職

承襲詳見
世職表

哈萬

哈萬滿洲正藍旗人姓伊拉里氏世居音江地方
康熙十七年以驍騎校從寧海將軍喇哈達勦福

建海賊與偽提督何湛之戰於祖頭山陣亡

恩賜雲騎尉世職

承襲詳見世職表

黑渾

黑渾滿洲正藍旗人姓富察氏世居吉揚地方康熙十七年以驍騎校從將軍額楚征逆藩吳三桂至廣西與偽帥吳世琮戰於藤縣陣亡

恩賜雲騎尉世職

承襲詳見世職表

赫壽

赫壽滿洲正藍旗人姓嵩佳氏世居東莪地方康熙十七年以七品官從征逆藩吳三桂至廣西與偽將軍吳世琮等戰於藤縣中鎗陣亡

恩賜雲騎尉世職

承襲詳見世職表

塞勒

塞勒滿洲正藍旗人任三等護衛康熙十七年從征福建海賊鄭錦與賊黨郭新戰於廈門陣亡

恩賜雲騎尉世職

承襲詳見世職表

齊竒納

齊竒納滿洲正藍旗人姓兀扎喇氏世居黑龍江
地方襲二等輕車都尉順治十一年從大兵平定
湖廣十七年同副都統賴虎等征勦山東土寇連
敗賊衆於曹縣濮州等處斬偽國公一人康熙十
八年隨前鋒統領希佛征逆藩吳三桂至湖廣衡
州與賊力戰陣亡

恩賜一等輕車都尉世職

承襲詳見
世職表

哈爾沁

哈爾沁滿洲正藍旗人姓納喇氏世居輝發地方
康熙十八年以一等護衛從寧海將軍喇哈達攻
廈門力戰陣亡

恩賜雲騎尉世職

永襲詳見
世職表

查穆蘓

查穆蘓滿洲正藍旗人任三等輕車都尉康熙十
八年隨將軍賴塔征逆藩吳三桂至雲南戰於五

莫山陣亡

恩賜雲騎尉世職

承襲詳見
世職表

圖黑特

圖黑特滿洲正藍旗人姓瓜勒佳氏世居渾春地
方任三等輕車都尉康熙十三年從寧南靖寇大
將軍順承郡王勒爾錦征逆藩吳三桂至湖廣十
八年擊賊於武岡州力戰陣亡

恩賜二等輕車都尉世職

承襲詳見
世職表

尼雅韓

尼雅韓滿洲正藍旗人姓索察刺氏世居烏喇任
六品官署佐領康熙十三年隨平南將軍賴塔征
海寇擊偽都督趙德勝於太平山凡二十六營皆
破之十八年隨寧海將軍喇哈達大敗偽將何佑
於泉州後以赴援海澄與偽將劉國軒力戰陣亡

恩賜雲騎尉世職

承襲詳見
世職表

拜哈喇

拜哈喇滿洲正藍旗人姓赫色里氏世居葉赫地
方以二等侍衛於康熙二十年從固山貝子章泰
進征雲南力戰陣亡

恩賜騎都尉世職

承襲詳見
世職表

阿秋

阿秋滿洲正藍旗人任筆帖式康熙二十年從征
雲南擊吳世璠於歸化寺陣亡

恩賜雲騎尉世職

承襲詳見
世職表

布富

布富滿洲鑲藍旗人姓赫舍里氏世居塔三普地方順治十六年十一月征偽桂王於雲南以護軍校隨定西將軍愛星阿至緬甸阿娃城獲偽桂王朱由榔有功康熙十三年三月從征逆藩耿精忠至浙江隨都統喇哈達於石塘石佛嶺敗偽參將鄭文鼎偽總兵陳得功十七年四月復隨喇哈達擊福建海寇偽將軍劉國軒於灣腰樹力戰陣亡

二十五年

恩賜雲騎尉世職

承襲詳見世職表

蘇爾丹

蘇爾丹滿洲鑲藍旗人姓納喇氏世居葉赫任八品筆帖式康熙十七年隨征南將軍穆占征逆藩吳三桂至湖廣十二月十五日於襄陽之飄鳳山力戰陣亡

恩賜雲騎尉世職

承襲詳見世職表

卦塞

卦塞滿洲鑲藍旗人姓赫舍里氏世居齋谷地方
康熙十三年以前鋒校從征逆藩耿精忠至浙江
敗偽吳總兵於蒲塘十七年從副都統紀爾他布
等破海寇偽提督吳淞等於福建石衛寨十九年
三月從副都統鄂申巴圖魯擊海寇偽將軍劉國
軒於海澄力戰陣亡二十五年

恩賜雲騎尉世職

承襲詳見
世職表

肅白林

肅白林滿洲鑲藍旗人官佐領兼工部郎中康熙七年從征雲南有功十八年從征湖廣至武岡州雙井鋪與賊力戰負傷歿於陣

賞卹如例

地蔵保

地蔵保滿洲鑲藍旗人任叅領康熙二十年在四川永寧衛防守吳逆偽將軍馬寶來攻勢孤城陷

被執不屈遇害二十五年

恩賜雲騎尉世職

承襲詳見
世職表

欽定八旗通志卷二百十六